



PRIVILEGIA
in rem Monetariam,
IOANNIS & CASPARIS
GOBELLII, FRATRVM
Germanorum.





STEPHANVS DEI

GRATIA REX POLONIÆ, MAGNVS
Dux Lithuaniae, Russiae, Prussiae, Maso-
uia, Samogitiae, Kijouiae, Woliniae, Podlachiae, Li-
uoniae, &c. ac Princeps Transyluaniae. Significamus
præfētibus literis nostris, quorum interest vniuersis
& singulis, cuiuscunq; status, cōditionis & præemi-
nentiae, tam Spiritualibus, quàm secularibus, subdi-
tis nostris. Expositum esse nobis, per certos Con-
siliarios quosdam nostros, Nobilium Ioannis & Ca-
spari Gobeliorum fratrum germanorum, Subdito-
rū nostrorū nominibus, eisdem Serenissimi Prin-
cipis Domini Sigismundi Augusti, diui Antecesso-
ris nostri temporibus, inuentionem quandā, præssu-
ræ monetariæ, in lucem edidisse, ac eiusdē præssu-
ræ artificiosum instrumentum, maximis suis sum-
ptibus, confici curasse. Quod cū in cōmodum
Reipub. diuo Antecessori nostro obtulissent, eun-
dem diuum Antecessorem nostrum, eos præclaræ
sue inuētione ergo, ea libertate donasse, quod ne-
mini liberum esse debeat, eius ipsorum inuentionis
vsu sibi vendicare, atque cōmodum illud, quod
merito ad ipsos tanquam eius Instrumenti primos
inuentores redundare debeat, ipsis præripere, eorū
præssuræ

E. XVII s. V

por. E. XX s. XIX

E. XVII d. v. , - zaznacza ze to w. XVI

E. XX d. d. XIX por.

præssuræ monetariæ genere, in Regno & Dominiis nostris vti. Quã quidem libertatem ipsis cõcessam, diuus Antecessor noster literis Priuilegij sui specialiter munierit. Cũ itaque supplicatum nobis esset, vt dictum diui Antecessoris nostri Priuilegiũ, prædictis fratribus Gobelijs concessum, ex Regia nostra authoritate approbare, ratificare, & confirmare dignaremur. Nos iniquum esse censentes, quempiam cõmodo, præclaræ suæ inuentionis, ab ignauis quibusdã, quemadmodum apes à fucis melle suo congesto priuantur, defraudari, precibus ipsorum benigne annuendum, memoratumq; diui Antecessoris nostri Priuilegium, præfatis Ioãni & Casparo Gobelijs fratribus germanis solis, super vsu præssuræ eius monetariæ concessum, approbandum, ratificandum eisq; confirmandum esse duximus, prout approbamus, ratificamus, & confirmamus, præsentibus. Quod ad omnium notitiam deducere volentes, omnibus & singulis Subditis nostris, aliisq; quibuscunque, in Regno & Dominiis nostris versantibus, cuiuscunque status, conditionis & præeminentiæ, tam Spiritualibus, quàm secularibus, præsentibus seuerè edicimus, ne infra decursum triginta annorum, à data præsentium, eiusmodi præssuræ monetariæ instrumentum, in Regno & Dominiis nostris facere audeant, eoquẽ quouis modo, in vilipendium præsentis Priuilegij nostri,

vti præsumant, sub pœna amissionis eiusdem instru-
menti, & quinque insuper millium florenorũ Hun-
garicalium, pro medietate fisco nostro, altera verò
prædictis fratribus Gobelijs, vel eorum hæredibus
& Successoribus irremissibiliter eroganda, cuius
pœnæ realem executionem eius loci, vbi fortè,
quisquam huius nostri edicti transgressor depræ-
hensus fuerit, hisce demandamus. Sub pœna superius
specificata, quam in neglectorem eius executionis,
præsentibus statuimus. In cuius rei fidem, præsen-
tes manu nostra subscripsimus, ac eisdem Sigillum
Regni nostri, subappendi mandauimus. Datum
Varsoviæ, die xij. mensis Aprilis. Anno Domini,
Millesimo, Quingentesimo, Septuagesimo octauo.
Regni verò nostri, Anno Secundo.

Stephanus Rex.

Albertus Baranovvski.



NOS AVGVSTVS DEI
GRATIA DVX SAXONIÆ, SA-
cri Romani Imperij Archimare-
scallus & Elector, Lādgravius Thu-
ringiæ, Marchio Misniæ, & Burggravius Magde-
burgēsis, vniuersis & singulis, cuiuscūq; dignitatis &
ordinis

ordinis hominibus, has literas nostras lecturis inspe-
cturisque constare & notum esse volumus: Ioannem
& Casparem Gobelios fratres germanos, quorum
alter Illustrissimi Borussiae Ducis Aërio præfe-
ctus, alter civis Gedanus est, nobis præli monetalis
formulam obtulisse: quam magnis fratrum isto-
rum sumptibus, & sagaci artificis ingenio ita fabre-
factam cognouimus, ut tam arte, quam structura
differret ab eiusmodi alijs machinis in Germania,
ad hoc usque tempus ad argentum sub prælo signa-
dum usurpatis: quas compendio & commoditate

*Eodem anno 1578. quo Gobelii super hac pressura monetali concessum
est indultum, Senatus Regi hanc informationem offerri iussit:*

*Postremo Gobelii fratres confirmationem quendam indulti cujus-
dam Divi Antecessoris super monetis pressura ab ipsis inuenta
nobis exhibuerunt. Indultum quidem Antecessoris de quo dictum
nunquam vidimus neque scimus qua ratione vel quibus conditionibus e-
ditum fuerit. Monetis vero pressuram non adeo rem novam esse
consequitur ut ejus inventionem Gobelii sibi recte arrogare valeant.
Nam et ante XX in Germania usurpata res est, et passim nunc
desuperatur. Præterquam quod inceptum illorum jam Privilegio A-
tributus vehementer prejudicial, quam cum ingenti Reip. damnae
conjunctionem esse videatur.*

vti præsumant, sub pœna amissionis eiusdem instru-
menti, & quinque insuper millium florenorũ Hun-
garicalium, pro medietate fisco nostro, altera verò
prædictis fratribus Gobelijs, vel eorum hæredibus
& Successoribus irremissibiliter eroganda, cuius
pœnæ realem executionem eius loci, vbi fortè,
quisquam huius nostri edicti transgressor depræ-
hensus fuerit, hisce demandamus. Sub pœna superius
specificata, quam in neglectorem eius executionis,
præsentibus statuimus. In cuius rei fidem, præsen-
tes manu nostra subscripsimus, ac eisdem Sigillum
Regni nostri, subappendi mandauimus. Datum

Va

Mi

Re



ring
burg

ordinis

ordinis hominibus, has literas nostras lecturis inspe-
cturisue constare & notum esse volumus: Ioannem
& Casparem Gobelios fratres germanos, quorum
alter Illustrissimi Borussiae Ducis Aërario præfe-
ctus, alter ciuis Gedanus est, nobis præli monetalis
formulam obtulisse: quam magnis fratrum isto-
rum sumptibus, & sagaci artificis ingenio ita fabre-
factam cognouimus, vt tam arte, quam structura
differret ab eiusmodi alijs machinis in Germania,
ad hoc vsque tempus ad argentum sub prælo signã-
dum vsurpatis: quas compendio & commoditate
sua ita superat, vt in hoc genere nihil simile ex-
stitisse vnquam videri possit. Quando quidem
istius Gobelianæ machinæ vsus, modo homines ido-
nei & in re monetali non plane imperiti adhibean-
tur, vsque adeo sit expeditus, vt diurna quinque mo-
netariorum opera, tantum nummorum omnis for-
tis imaginibus bellissime expressis procudi queat,
quantum alias viginti hominum labor, si malleo res
peragenda esset, non posset repræsentare. Quin
& ad typos sculptiles ita est accommodata, vt plus
vnico die monetaliu typorum hac adhibita possit
exprimi, quam tota alias septimana artificis diligẽ-
tis solertia, & manus cælare queat. Quamobrem
cùm Gobelianis fratribus, quorum impensis pul-
cerrimum hoc opus concinnatum & absolutum
fuit, meritò omnis illa utilitas, quæ inde redire ad

42
eos poterit, quibus monetæ cudendæ ius est, ac-
pto feratur: æquissimum nobis visum est, eorum
qui machinæ huius modum omnium primi nobis
commonstrarunt, precibus annuere: adeoq; illis li-
terarum nostrarum hac de re testimonium cõmu-
nicare, ne fortè, quæ seculi huius est improbitas &
impudentia, Fuci & temerarij nonnuli homines
alienis studiis & sumptibus repertam hanc artem
sibi vendicent: & iustâ laude atque emolumento
debito defraudent eos, quorum cura & impensis
opus hoc vtilissimum primum prodijt. Quæ cùm
ita sint, vniuersos & singulos officiosè, amanter, &
benignè, prout postulat vniuscuiusque conditio,
rogamus & requirimus: vt hanc literarum nostra-
rum testificationem apud se valere plurimum sinât,
& Gobelianos fratres fauore & beneuolentia sua
complecti atque tueri velint. Qua ex re non modo
fructum & voluptatem magnam capient: Sed nobis
etiam, qui Gobelianos fratres commendatissimos
omnibus esse cupimus, gratissimum facient. In cu-
ius rei fidem literas has nostras Chirographo & Si-
gillo nostro muniri placuit. Quæ datæ sunt
Annæpyrgi: Idibus Octobris: Anno à Saluatore
generis humani nato: Millesimo, Quingentesimo,
& Octuagesimo.

Augustus Elector.



IGISMUNDVS

TERTIVS, DEI GRATIA

REX POLONIÆ, MAGNVS

Dux Lithuanix, Ruxsiaz, Prussiaz,

Masouiaz, Samogitię, Liuonięq̃, &c.

nec nō regni Sveciæ proximus hæ-

res, & futurus Rex. Significamus præfētibus literis nostris, quorū interest vniuersis & singulis. Exhibitas esse nobis Nobiliū Ioannis & Caspari Gobeliorū fratrum nomine literas pargamæneas, manu D. Decessoris nostri Stephani Regis subscriptas, & Sigillo maiori Regni pensili cōmunitas, sanas, & integras, nulliq̃ penitus suspitioni obnoxias, quibus D. Antecessor noster, inuēto à fratribus prædictis nouo & inusitato signādi argenti numūmq̃ cudēdorū artificio, atq̃ ad id necessaria machina, magno sumptu perfecta, vigore illius priuilegij cauit, ne quis fructū, qui illis tanquā rei præclaræ inuētoribus deberetur eiusdē operis imitatione auerteret, neuē ad triginta annorū decursum quisquā simili præssuræ artificio vteretur sub mulcta quinque milliū florenorum vngaricalium auri puri. Supplicatūq̃ nobis esse, vt nos exemplo D. Prædecessoris nostri eorundem fratrum indemnitati pspicere dignaremur, ac rei illorum ingenio & industria inuentæ, atque perfectæ ad publicū totius Regni nostri cōmodum fructuum etiā ipsos inuētores, aliquāto tēpore præ aliis percipere vellemus, faciendum nobis putau-

mus, vt eādem prærogatiuam, à D. Stephano Rege
datā nos ipsis cōprobaremus & cōfirmaremus, quē-
admodū quidē cōprobamus, & cōfirmamus præsen-
tibus literis nostris, itā nimirū vti ab eo tempore ad
cōtinuum triginta annorum decursum solis prædi-
ctis fratribus eorumq; successoribus ea machina &
modo cudēdæ monetæ, quē ipsi adinuenerūt in Re-
gno & dominiis nostris, neq; omnino cuiquam alteri
vtēdi ius & facultas sit. Quod vniuersis & singulis cu-
iuscunq; status & cōditionis subditis nostris præsen-
tibus literis nostris denūciamus, ac seuerè edicimus
ne intra annorum triginta spacium, à data præsen-
tium eiusmodi præssuræ monetariæ instrumētum,
in Regno & dominijs nostris facere audeant, ac eo
quouis modo in vilipendium huius priuilegij nostri
vti præsumāt, sub pœna amissionis eiusdē instrumē-
ti, & decem insup millium florenorū hungaricaliū,
partem fisco, partē prædictis fratribus Gobelijs, aut
illorum hæredibus, & successoribus irremissibiliter
soluēda. Cuius pœnæ exequutionem eius loci, vbi
huius edicti nostri transgressor deprehensus fuerit
Magistratui demādamus. In cuius rei fidē præsentem
manu nostra subscripsimus, Sigilloq; Regni nostri
consignari iussimus. Datum Varsouizæ in Comi-
tijs Gñralibus Regni, die xv. Mensis Aprilis. Anno Domini
Millesimo, Quingentesimo Octogesimo nono. Regni nostri
anno Secundo.

Sigismundus Rex.

Lauren: Gembiczki

Skanowanie i opracowanie graficzne na CD-ROM :



ul. Krzemowa 1

62-002 Suchy Las

www.digital-center.pl

biuro@digital-center.pl

tel./fax (0-61) 665 82 72

tel./fax (0-61) 665 82 82

Wszelkie prawa producenta i właściciela zastrzeżone.

Kopiowanie, wypożyczenie, oraz publiczne odtwarzanie w całości lub we fragmentach zabronione.

All rights reserved. Unauthorized copying, reproduction, lending, public performance and broadcasting of the whole or fragments prohibited.